

## SAITUALAH District Level Committee on PM DAJ-GUA thukhawm

Saitual, the 13th November, 2024:

Vawiin chawhma dar 10:30 AM khan DC Conference Room, Saitual-ah Dr. Lalngura Tlau DC leh chairman ni bawk kaihhruiin District Level Committee on PM Dharti Aaba Janjatiya Gram Utkarsh Abhiyan (DAJ-GUA) chu an thukhawm a, hawnna programme leh district level-a IEC (Information, Education and Communication) hman dan turte sawiho a ni. Vawiin meeting ah hian District tina Deputy Commissioner-ten PM DAJ-JUA chungchangah online meeting sensitization an nei nghal bawk.

Chairman Dr. Lalngura Tlau chuan kalkhawmte hnenah lawmthu sawiin central sawrkar scheme kaltlanga district tana hmasawna lokal ang angte district mipuiten an chhawr tangkai theih nana theih tawp chhuah turin kalkhawmte a sawm a, scheme thil tum leh a kaihhnawihthe sawifiahna hun a hmang bawk a ni.

He scheme hi central scheme thar niin Ministry Of Tribal Affairs hnuai gap-filling na tura ruahman a ni a, state, district, block leh village level-ah te line department hrang hrang 18 te hmalakna tur a tih a ni a, kum nga (5) chhung awn tur niin thingtlang khua mihring 500 leh a chunglam chennaah 50% Scheduled Tribe awmna ah hmalakna tura ruahman a ni. He scheme hian thil tum lian pui pui pali (4) neiin heng, kawngpui leh a kaihhnawih siamthat, buh lei thlai thar lama hmasawna te, zirna tha awm theihna tura hmalaknate bakah hriselna kawnga hmasawna tur hrang hrangte a huam tel a ni.

Vawiin thutkhawmah hian District Bawrhap Dr. Lalngura Tlau bakah hian Pu V Laldinsanga, Project Director,DRDO, Pu Micky R Lalenkawla, DEO, Pu A Lalhmachhuana, DAO, Pu Jacob Lalmalsawma,DHO, Dr H Vanlalmangaiha; District A.H. & Vety Officer, Pi Christina Lalnunfeli, SDC, Pi F Zodingpuii, DIPRO, Pu PC Lalruatkima JE, PWD, Pu H Malsawmzuala, LDC,P&E, Pi Deborah Lalnghakmawii, Fishery Demonstrator(FD) te an tel a ni.

